

Ուշի համայնքում շահագործման հանձնվեց խմելու նոր ջրագիծ

Օգոստոսի 23-ին Արագածոտնի մարզի Ուշի համայնքում շահագործման հանձնվեց խմելու նոր ջրագիծ: Կառույցի երկարությունը 2150 մետր է, հզորությունը՝ վայրկյանում 8 լիտր ջուր: Ծրագիրն իրականացվել է բարերար Մարգար Շարաբխանյանի նախաձեռնությամբ եւ Վիվասել ՄՏՍ ընկերության ֆինանսավորմամբ:

Բացման հանդիսավոր արարողությանը ներկա էին Վիվասել ՄՏՍ-ի գործադիր տնօրեն Ռալֆ Յիրիկյանը, բարերար Մարգար Շարաբխանյանը , Արագածոտնի փոխմարզպետ Նունե Մովսիսյանը, բազմաթիվ այլ հյուրեր:

Մարզպետ Սարգիս Սահակյանի շնորհավորանքի խոսքը փոխանցելով, փոխմարզպետն ասաց, որ Ուշիում այլ ծրագրեր էլ են իրականացվում: Շուտով ավարտին կհասցվի դրանցից մեկը՝ գյուղի լուսավորության ծրագիրը:

Ջրագծի բացման կապակցությամբ հնչեցին նաեւ ողջույնի այլ ելույթներ: Իսկ համայնքապետ Հ.Աթոյանը՝ ի նշան երախտագիտության, Վիվասել ՄՏՍ-ի գործադիր տնօրեն Ռալֆ Յիրիկյանին շնորհեց ,,Ուշի համայնքի պատվավոր քաղաքացի,, կոչում: